

SYKKYLVEN KOMMUNE
Kontrollutvalet

MØTEINNKALLING

15.01.2015

Kopi til: Ordføreren
Revisor
Rådmann

Medlemmane av
Kontrollutvalet

Det blir med dette kalla inn til møte i kontrollutvalet.

**onsdag, den 21. januar 2015 kl. 14.00
i Formannskapssalen**

SAKLISTE:

- Sak 01/15 - Godkjenning av møtebok frå møte 11. desember 2014
- « 02/15 - Forvaltning, kapasitet og samarbeid innan legetenestene i Sykkylven kommune – Innstilling til kommunestyret
- « 03/15 - Drøfting av mulig oppdrag basert på innkomne dokument vedkomande personalkonflikt i Sykkylven kommune B-sak
- « 04/15 - Brev frå Kjellbjørn Tusvik
Eventuelt

Dersom det er vanskeleg å møte, gje melding på telefon 70 17 21 58 eller 97 60 57 83 til dagleg leiar eller e-post harlald.rogne@sksiks.no

Odd Jostein Drotninghaug
leiar
(sign.)

**KONTROLLUTVALET I
SYKKYLVEN KOMMUNE**

MØTEBOK

Møtedato: 11. desember 2014, kl.14.30

Møtestad: Formannskapssalen

Møtet vart leia av: Odd Jostein Drotninghaug

Elles tilstades:

Sigmund Valbø, Grethe Melseth, Ole Bjørn Roald (ikkje i sak 35/14) og Anita Søvik

= 4 og 5 voterande

Frå kontrollutvalsekretariatet møtte dagleg leiar Harald Rogne og advokat Kjetil Kvammen. Frå kommunerevisjonen møtte dagleg leiar Kjetil Bjørnsen.

Frå Sykkylven kommune møtte ordførar Petter Lyshol (i sak 33/14, 34/14 og 36/14), rådmann May Helen Molvær Grimstad, kommunalsjef Eldrid Sourza og saksbehandlar koordinerande eining Anita Kjersem.

Det kom ikkje fram merknader til innkalling eller sakliste.

SAK 33/14

GODKJENNING AV MØTEBOK FRÅ MØTE 13. NOVEMBER 2014

Kontrollutvalet sitt samrøystes vedtak:

Møtebok frå møte 13. november 2014 blir godkjent.

SAK 34/14

STØYSKJERM TREGARDANE

Saksdokument frå kontrollutvalsekretariatet datert 03.12.2014.

Kontrollutvalet sitt samrøystes vedtak:

1. Kontrollutvalet stiller seg kritisk til prosjektstyringa av Støyskjerm Tregardane.
2. Kontrollutvalet føreset at rutinar for kvalitetssikring av planlegging og prosjektering i byggesaker blir gjennomgått og betra.

SAK 35/14

SAKSBEHANDLING VED KOORDINERANDE EINING FOR REHABILITERING OG HABILITERING M.V.

Saksdokument frå kontrollutvalsekretariatet datert 03.12.2014.

Det vart fremma forslag om å lukke møtet med visnad til kommunelova § 31 nr. 2 og forvaltningslova § 13 om lovbestemt teieplikt for personopplysningar. Lukking av møtet vart samrøystes vedteke.

Ole Bjørn Roald stilte spørsmål ved eigen habilitet og forlet møtet. Ved votering vart Ole Bjørn Roald samrøystes erklært inhabil.

Kontrollutvalet sitt samrøystes vedtak:

1. I høve brukaren sine meldingar og dokumentasjon av klare behov for hjelp har kommunen oversett den private parten og konsentrert seg om generell behandling av m.a. ressursituasjonen ved barnehagane.
2. Sykkylven kommune har brote reglane for god saksbehandlingsskikk og reglane i m.a. forvaltningslova §§ 11, 17 og 18 som pålegg forvaltningsorgana svarplikt, utgreiingsplikt og opplysningsplikt i saker som private tar opp innafør deira ansvarsområde.
3. Ansaret for å oppfylle det lovpålagde kravet om at helsetenesta skal utarbeide individuell plan kan ikkje påleggast brukaren. Kommunen har allereie gitt signal om at dette vil bli retta på.
4. Saka blir å sende kommunestyret til orientering.

SAK 36/14

FORVALTNING, KAPASITET OG SAMARBEID INNAN LEGETESTA I SYKKYLVEN KOMMUNE

Innstilling frå kontrollutvalsekretariatet datert 10.12.2014 var denne:

1. Fastsetje norm for talet på pasientar per lege som ligg på nivå med det som er vanleg elles i norske kommunar gjennom å senke listetaket i dei individuelle avtalane.
2. Opprette fleire fastlegeheimlar og etablere eit fastlegemiljø i tillegg til dei eksisterande.
3. Når det er etablert tilstrekkeleg kapasitet i fastlegetenestene, kan det vere grunnlag for å sjå nærare på korleis organiseringa av legevakta skal vere.
4. Revurdere vedtaket knytt til etablering av eit eige tilbod om døgnopphald for øyeblikkeleg hjelp i Sykkylven kommune (ØHD-tilbod).

5. Gjennomgå oppgaver og ressursbruk til dei kommunale legeoppgåvene med sikte på rasjonalisering og omallokering.

Kontrollutvalet sitt samrøystes vedtak:

1. Kontrollutvalet tek rapporten til vitande.
2. Rapporten blir sendt kommunestyret for orienteering.
3. Kontrollutvalet vil kome tilbake til saka med forslag til tiltak.

SAK 37/14

**DRØFTING AV MULIG OPPDRAG BASERT PÅ INNKOMNE DOKUMENT VEDKOMANDE
PERSONALKONFLIKT I SYKKYLVEN KOMMUNE**

Kontrollutvalet sitt samrøystes vedtak:

Leiar og sekretariat vil sjå nærare på innfalssvinklar inn mot eit eventuelt oppdrag.

Odd Jostein Drotninghaug
leiar
(sign.)

Sigmund Valbø
nestleiar
(sign.)

Grethe Melseth
medlem
(sign.)

Ole Bjørn Roald
medlem
(sign.)

Anita Søvik
medlem
(sign.)

**SUNNMØRE
KONTROLLUTVALSEKRETARIAT IKS**

Kontrollutvalet i
Sykkylven kommune

Dato: 15.01.2015

**SAK 02/15
FORVALTNING, KAPASITET OG SAMARBEID INNAN LEGETESTA I
SYKKYLVEN KOMMUNE – INNSTILLING TIL KOMMUNESTYRET**

Ein forvaltningsrevisjonsrapport om ovannemnte tema var til behandling i møte 11. desember i sak 36/14.

Innstillinga frå kontrollutvalsekretariatet var denne:

1. Fastsetje norm for talet på pasientar per lege som ligg på nivå med det som er vanleg elles i norske kommunar gjennom å senke listetaket i dei individuelle avtalane.
2. Opprette fleire fastlegeheimlar og etablere eit fastlegemiljø i tillegg til dei eksisterande.
3. Når det er etablert tilstrekkeleg kapasitet i fastlegetenestene, kan det vere grunnlag for å sjå nærare på korleis organiseringa av legevakta skal vere.
4. Revurdere vedtaket knytt til etablering av eit eige tilbod om døgnopphald for øyeblikkeleg hjelp i Sykkylven kommune (ØHD-tilbod).
5. Gjennomgå oppgåver og ressursbruk til dei kommunale legeoppgåvene med sikte på rasjonalisering og omallokering.

Kontrollutvalet sitt samrøystes vedtak var følgjande:

1. Kontrollutvalet tek rapporten til vitande.
2. Rapporten blir sendt kommunestyret for orientering.
3. Kontrollutvalet vil kome tilbake til saka med forslag til tiltak.

Det blir vist til punkt 3 i vedtaket og det blir lagt opp til å gi ei instilling til kommunestyret.

Harald Rogne
dagleg leiar

SUNNMØRE
KONTROLLUTVÅLSEKRETARIAT IKS

Kontrollutvalet i
Sykkylven kommune

Dato: 15.01.2015

SAK 03/15
VIDARE DRØFTING AV MULIG OPPDRAG BASERT PÅ INNKOMNE
DOKUMENT VEDKOMANDE PERONALKONFLIKT I SYKKYLVEN
KOMMUNE, B-SAK

Saka var første gong oppe til behandling i møte 11. desember 2014 i sak 37/14 og kontrollutvalet vart informert av arbeidsgjevar.

Vedtaket som vart gjort i sak 37/14 gjekk ut på at leiar og sekretariat skulle sjå nærare på innfalsvinklar inn mot eit eventuelt oppdrag.

Drøftingar i etterkant har konkludert med at også arbeidstakarsida bør høyrast.

Det blir lagt opp til ei orientering frå tillitsvalde.

Harald Rogne
dagleg leiar

**SUNNMØRE
KONTROLLUTVÅLSEKRETARIAT IKS**

Kontrollutvalet i
Sykkylven kommune

Dato: 15.01.2015

**SAK 04/15
BREV FRÅ KJELLBJØRN TUSVIK**

Kjellbjørn Tusvik reiser i vedlagte brev datert 06.01.2015 spørsmål om kommunen har overholdt si informasjonsplikt som forvaltningsorgan om forelding i ei frådelingssak.

Det blir ikkje gått nærare inn i saka no, men det bør drøftast om kontrollutvalet vil ha saka utgreidd til seinare behandling.

Harald Rogne
dagleg leiar

Sunnmøre Kontrollutv.sekretariat,
Lerstadvegen 545
6022 Ålesund

Viser til telefonsamtale med Rolf Bergmann.

Vedlagt følger sakspapir vedr. fradeling av areal til bustadtomter.

09.02.2005 Tomteplan Tusvik gbr 46/4, dispensasjon frå kommuneplanens arealdel

11.03.2005 Tomteplan Tusvik gbr 46/4, dispensasjon frå kommuneplanens arealdel

06.04.2005 Vedtaksnummer: 68/05 gbr 46/4 Frådeling av 4 bustadtomter

02.12.2014 46/4 Søknad om deling av grunneigedom

11.12.2014 Mail til Bjarte Hovland

11.12.2014 Mail fra Mandy Häger

For meg var det ukjent at dette vedtaket hadde en begrenset gyldighet. Jeg har forholdt meg til teksten i disse skrivene som ligger ved. I så fall burde dette vært presisert i vedtaket.

For meg som privatperson, og som ikke har inngående kjennskap til plan og bygningsloven, så ble jeg først gjort kjent med dette, i okt/nov 2014, i forbindelse med grensereguleringer rundt eiendommen 46/15 og 46/14.

Bakgrunn:


Jeg ga fra meg gbr.46/4 til min bror, Ole Johan Tusvik, og som kompensasjon for gbr. 46/4, skulle jeg få fradelt et areal som i www.skogoglandskap.no, er nevnt som innmarksbeite +3 tomter i skogkanten. Dette er nedskrevet i skjøtet til 46/4.

I mail 11.12.2014, viser jordbrukssjef Mandy Häger til et «vedtak fatta av Teknisk hovedutval, 06.10.2014. Mandy Häger viser til plan- og bygningslova § 21-9, og skriver videre «Du må med andre ord søkje på nytt dersom du ønskjer å frådele dei tomtane som ikkje har blitt målt opp».

Spørsmålet er om det i, Vedtak 68/05 av 06.04.2005, burde vært presisert dette med foreldelsesfrist. Jeg har iallfall vært i god tro om at dette var et endelig vedtak. For meg vil en ny behandling, bety mer kostnader.

Jeg vil be om en uttalelse i sakens anledning! Er det noen spørsmål, så treffes jeg på telefon 915 64 695.

Tusvik 06.01.2015


Kjellbjørn Tusvik



Sykkylven kommune

Saksframlegg

Dato: 09.02.2005
Arkivref: 2005/310-634/2005

Saksbeh.: Arne Settemsdal

Saksnr	Utval	Møtedato
9/05	Teknisk hovudutval	07.03.2005

Tomteplan Tusvik gbr. 46/4, dispensasjon frå kommuneplanens arealdel

Rådmannen sitt framlegg til vedtak

1. Teknisk Hovudutval viser til plan og bygningslova (PBL) § 7 og vedtek å dispensere frå kommuneplanen sin arealdel og frå PBL 17-2, byggeforbod i strandsona, slik at Kjellbjørn og Ole Johan Tusvik kan få dele frå 4 tomter på sin eigedom gbr. 46/4 i Tusvik. Dispensasjonen er i samsvar med søknad av 21.07.04, som viser tilkomstveg over industriområdet til Cylindra A/S og opp til byggetomtene.

Saksprotokoll frå møtet i Teknisk hovudutval - 07.03.2005

Behandlingsinformasjon:
Søknaden krev også delingsløyve etter jordlova.

Samrøystes vedtak: Som rådmannen sitt framlegg til vedtak.

Vedtak:

Teknisk Hovudutval viser til plan og bygningslova (PBL) § 7 og vedtek å dispensere frå kommuneplanen sin arealdel og frå PBL 17-2, byggeforbod i strandsona, slik at Kjellbjørn og Ole Johan Tusvik kan få dele frå 4 tomter på sin eigedom gbr. 46/4 i Tusvik. Dispensasjonen er i samsvar med søknad av 21.07.04, som viser tilkomstveg over industriområdet til Cylindra A/S og opp til byggetomtene.

Saksutgreiing

Saksdokument:

1. Møre og Romsdal fylke av 21.10.04
2. Situasjonsplan/ tomteplan for området av 21.07.04
3. Ny bygnadsplan av 11.02.05

Bakgrunn for saka:

Kjellbjørn og Ole Johan Tusvik, gbr. 46/4, har i brev av 21.07.04 søkt kommunen om å dele ifrå 4 tomter på eigedomen sin i Tusvika.



Sykkylven kommune
Teknisk etat

Kjellbjørn Tusvik

6222 Ikorntnes

Dykkar dato:
Dykkar ref.:

Vår dato: 11.03.2005
Vår ref.: 2005/310-1522/2005
Klassering: L13

Saksbeh.: Marianne Myhre Mandal
Telefon: 70 24 67 02

Tomteplan Tusvik, gbr. 46/4, dispensasjon frå kommuneplanen sin arealdel

Viser til vedtak fatta i Teknisk hovudutval 07.03.2005 – sak 9/05:

Teknisk Hovudutval viser til plan og bygningslova (PBL) § 7 og vedtek å dispensere frå kommuneplanen sin arealdel og frå PBL 17-2, byggeforsbod i strandsona, slik at Kjellbjørn og Ole Johan Tusvik kan få dele frå 4 tomter på sin eigedom gbr. 46/4 i Tusvik. Dispensasjonen er i samsvar med søknad av 21.07.04, som viser tilkomstveg over industriområdet til Cylindra A/S og opp til byggetomtene.

Saksutgreiing m/vedtak fylgjer vedlagt.

Med helsing

Bjarte Hovland
teknisk sjef

Marianne M. Mandal
Marianne Myhre Mandal
kontorleiar

Dette vedtaket kan påklagast, jf. Forvaltningslova § 28. Klageorganet er Fylkesmannen i Møre og Romsdal. Ei eventuell klage skal vere skriftleg, stilast til *Fylkesmannen i Møre og Romsdal*, men sendast **Sykkylven kommune, Teknisk etat, 6230 Sykkylven** innan **3 veker** etter at meldinga om vedtak er motteke.

Kopi til:
Ole Johan Tusvik
Møre og Romsdal fylke Fylkeshuset



Dato: 06.04.2005
Arkivref: 2005/310-2147/2005
GBNR: 46/4

Saksbeh.: Henrik Schmidt

Vedtaksnummer: 68/05

Gbr. 46/4 - frådeling av 4 bustadtomter

Saksutgreiing

Bakgrunn for saka

I sak 9/05 i gav Teknisk hovudutval dispensasjon frå kommuneplanen sin arealdel og frå byggjeforbodet i strandsona. Frådelingssøknaden krev også løyve etter jordlova.

Saksopplysning


Gnr 46/4 er ein svært liten landbrukseigedom. Grenseregistreringane på offentleg kartverk er ikkje fullgode for eigedomen, mellom anna manglar slike grenser for to frådeltte parsellar. Totalarealet er i alle fall under 40 dekar og av dette er berre 3 – 4 dekar rekna som dyrkamark. I tidlegare tider var eigedomen registrert med ca 8 dekar dyrkamark og vel 3 dekar beite. Dei 4 parsellane ligg dels på udyrka og dels på tidlegare beitemark.

Vurdering

Sidan eigedomen er så liten at den nok er på grensa av å kunne reknast som ein landbrukseigedom som kjem inn under delingsforbodet i jordlova, er det rimeleg å ikkje leggje særleg streng vurdering til grunn i delingssaka. Landbruksavdelinga på fylket går ikkje i mot deling, men meiner ein bør unngå å byggje ned dyrka mark. Beite er vanleg å rekne med i kategorien "dyrka" etter jordlova og litt fulldyrka vil det nok også gå med til tilkomstvegen. Jordbrukssjefen meiner at dette må kunne tolast, men at det ville vere betre om omdisponeringa vart gjort ved regulering etter plan- og bygningslova, slik fylket peikar på. Teknisk hovudutval meiner at Tusvikområdet er for langt frå sentrum til å krevje plan.

Vedtak:

Teknisk sjef gjev med delegert mynde, og i medhald av jordlova § 12 , løyve til frådeling av 4 parsellar frå gnr 46/4 på til saman om lag 4 dekar. Han gjev også løyve til nødvendig omdisponering av inntil 2 dekar dyrka jord, jf §9 i jordlova.


Bjarte Hovland
teknisk sjef


Henrik Schmidt
jordbrukssjef

Dette vedtaket kan påklagast, jf. Forvaltningslova § 28. Klageorganet er Fylkesmannen i Møre og Romsdal. Ei eventuell klage skal vere skriftleg, stilast til *Fylkesmannen i Møre og Romsdal*, men sendast **Sykkylven kommune, Teknisk etat, 6230 Sykkylven** innan **3 veker** etter at meldinga om vedtak er motteke.



SYKKYLVEN

Tekniske tenester

Ole Johan Tusvik
Tusvikvegen 68
6222 IKORNNES

Dykkar dato:
Dykkar ref.:

Vår dato: 02.12.2014
Vår ref.: 2014/1641-
Klassering: 12556/2014
46/4

Saksbeh.: Mandy Hager
Telefon: 70246710

46/4 - Søknad om deling av grunneigedom

Eg viser til søknad av 3.11.2014. Du søker om frådelling av to parsellar på tilsaman 5 daa. Omsøkte areal ligg i LNF (landbruk, natur og friluftsliv)- område i gjeldande kommuneplan for Sykkylven. Du må difor også søkje om dispensasjon etter plan- og bygningslova § 19-1. Eg sender vedlagt eit søknadsskjema du kan bruke. Dette skjemaet hjelper deg med å skrive ein korrekt utforma søknad.

Generell rettleiing om dispensasjon

Ved dispensasjon for frådelling i landbruks-, natur- og friluftsområdet må søknaden vurderast både etter plan- og bygningslova og jordlova. Først når det er fatta vedtak etter begge lovverk vil frådelinga vere endeleg avgjort.

Vilkåra for dispensasjon er presisert i pbl § 19-2. Kommunen har avgrensa moglegheit til å gi dispensasjon. Dersom dispensasjon vil føre til at omsyna som aktuell plan skal ivareta blir vesentleg tilsidesett, skal det ikkje gjevast dispensasjon. Fordelande ved ein dispensasjon må sjølvstøtt vere større enn ulempene. Dette inneber at det må vere ei klar overvekt av omsyn som talar for dispensasjon før ein kan fatte eit positivt vedtak. I den samanheng er det avgjerande for saka å ha ei god grunngjeving for frådelinga.

Dispensasjonssaka skal sendast til berørte styresmaktar til vurdering. Når styresmaktane har kome med fråsegn, startar den politiske handsaminga i kommunen.

Ved spørsmål, ta kontakt.

Med helsing


Mandy Hager
fagleiar jordbruk

Vedlegg:

1 Dispensasjonssøknad

Bjarte Hovland

Eg har søkt om å få frådelt eit areal vest for bustaden min, og i den samanheng viser eg til

Sak 9/05 Tomteplan Tusvik gbr. 46/4, dispensasjon frå kommuneplanens arealdel.

Vedtaksnummer 68/05

Vurdering:

Sidan eigeiendomen er så liten at det nok er på grensa av å kunne reknast som ein landbrukseigedom som kjem inn under delingsforbodet i jordlova, er det rimeleg å ikkje leggje særleg streng vurdering til grunn i delingssaka. Landbruksavdelinga på fylket går ikkje i mot deling, men meiner ein bør unngå å byggje ned dyrka mark. Beite er rekna med i kategorien «dyrka» etter jordlova og litt fulldyrka vil det nok også gå med til tilkomstvegen. Jordbrukssjefen meiner at dette må tolast, men at det ville vere betre om omdisponeringa vart gjort ved regulering etter plan- og bygningslova, slik fylket peikar på. Teknisk hovedutval meiner at Tusvikområdet er for langt frå sentrum til å krevje plan.

Vedtak:

Teknisk sjef gjev med delegert mynde, og i medhald av jordlova § 12, løyve til frådelling av 4 parsellar frå gnr 46/4 på til saman om lag 4 dekar. Han gjev også løyve til nødvendig omdisponering av inntil 2 dekar dyrka jord jfr § 09 i jordlova.

Underskrift Bjarte Hovland Henrik Schmidt

Eg kan ikkje sjå i desse papira at eg må søke på nytt for å få frådelt desse 2 resterande tomtene. (Ole Johan Tusvik har ikkje noko planar for den 4. tomta nærast løa). Det står ikkje i dokumenta at her er nokon forelding og eg kan heller ikkje sjå noko om det i Plan og bygningslova.

I 2005-2006 vart det ført fram vatn, elektrisitet, telefon og lagt opp kloakkledning dimensjonert for desse 3 tomtene. Vil presisere at det gjekk ikkje med noko dyrka mark då det vart framført veg til desse tomtene.

Tidlegare i haust var eg på landbruksavdelinga i kommuna v/Sindre, og forklarte kva eg kom til å søke om og eg bad då om å få nødvendige dokument/skjema slik at eg slapp ytterlegare arbeid med dette. No får eg likevel skjemaet «Søknad om dispensasjon» som må fyllast ut.

Eg hadde forstått nødvendigheita av fleire papir, dersom dette hadde vore ein landbrukseigedom. Alt som er av dyrka mark er teke vare på gjennom Ole Johan Tusvik. Det som eg har søk om å få frådelt, vest for bustaden min, er leire med eit steinlag opp på og som er dekt av mose og nokre grasstrå. Berg og storstein stikk opp i dagen og det er vanskeleg å slå det med traktor. Yste delen er så fuktig at ingen ting gror. Dette området er ein arv eg fekk frå far min, fordi eg friviljug ga frå meg garden til bror min. Her er heller ikkje skog som er drivverdig.




Eg prøver å rydde opp i det meste meda eg har helse. Som t.d. at garasja, mi med kommunal vitande vilje, vart plassert midt over ein bytestein.



Kva gjer eg ?

Venleg helsing

Kjellbjørn Tusvik

Svar - 46/4 - Spørsmål vedr. søknad om deling av grunneigedom

Avsender Mandy Häger 
Mottaker cylindra-objects@cylindra.no 
Kopi til Bjarte Ståle Hovland 
Dato 11.12.2014 13:44

Melding 314 av 369  

Hei,

Viser til e-post av 11.12.2014, adressert til Bjarte Hovland.

Du viser til vedtak fatta av Teknisk hovudutval,06.10.2004.

«Teknisk sjef gjev med delegert mynde, og i medhald av jordlova § 12, løyve til frådelling av 4 parsellar frå gnr 46/4 på til saman om lag 4 dekar. Han gjev også løyve til nødvendig omdisponering av inntil 2 dekar dyrka jord jfr § 09 i jordlova.»

Vedtaket er forelda.

I Landbruks- og matdepartementet sitt rundskriv M-1/2013 står det følgjande om deling og omdisponering:

«Samtykke til omdisponering faller bort etter jordlova § 9 fjerde ledd dersom arbeid for å nytte jorda til det aktuelle formålet ikke er satt i gang innen tre år etter at vedtaket er gjort...»
«Dersom delinga ikkje er rekvirert innen tre år etter samtykke til deling er gitt, vil samtykke falle bort»

I plan- og bygningslova § 21-9 står det at:

«Er tiltaket ikke satt i gang senest 3 år etter at tillatelse er gitt, faller tillatelsen bort. Det samme gjelder hvis tiltaket innstilles i mer enn 2 år. Disse bestemmelser gjelder tilsvarende for dispensasjon. Fristene kan ikke forlenges...»

Du må med andre ord søkje på nytt dersom du ønskjer å frådele dei tomtane som ikkje har blitt målt opp.

For at vi skal kunne behandle saka må du levere inn følgjande dokumentasjon:

- Delingssøknad (levert)
- Dispensasjonssøknad (manglar)
- Nabovarsel (levert)
- Situasjonsplan (levert)

Med helsing

Mandy Häger

Jordbrukssjef